

楊家駱主編
中國學術類編

清
別集
百
三
十
種
十

鼎文書局印行

楊家駱主編

中國學術類編

鼎文書局印行

清詞別集百三十四種 第十冊

- 九五 姚 燮：疏影樓詞之一 畫邊琴趣
○九六 姚 燮：疏影樓詞之二 吳涇蘋唱
○九七 姚 燮：疏影樓詞之三 翦燈夜語
○九八 姚 燮：疏影樓詞之四 石雲吟雅
○九九 黃燮清：倚晴樓詩餘
一〇〇 蔣敦復：芬陀利室詞之一 綠簫詞
一〇一 蔣敦復：芬陀利室詞之二 碧田詞
一〇二 蔣敦復：芬陀利室詞之三 紅衲詞
一〇三 蔣敦復：芬陀利室詞之四 青瑟詞
一〇四 蔣敦復：芬陀利室詞之五 白華詞

一〇五 蔣敦復：芬陀利室詞之六 拈花詞

一〇六 陳 澧：憶江南館詞

一〇七 龍啓瑞：漢南春柳詞

一〇八 承 齡：冰蠶詞

一〇九 周壽昌：思益堂詞鈔

一一〇 王錫振：龍壁山房詞之一 茂陵秋雨詞

一一一 王錫振：龍壁山房詞之二 瘳春詞

一二二 杜文瀾：采香詞

一二三 邊浴禮：空青館詞

疏影樓詞四種

姚 燮（嘉慶一〇——同治三）

字梅伯。號復莊。浙江鎮海人。道光十四年舉人。自少資稟過人。自經傳子史。至詞曲小說。旁及釋道。靡不博覽。遶海夷之亂。所爲詩詞。益蒼涼抑塞。工駢文。尤長於詞。論者以爲厲鶚復生。著有復莊全集。

序

疏影樓詞凡四種。余友姚子野橋作。野橋爲甬上名秀才。生稟異資。於學無所不窺。凡經史藝術諸書。皆能鑿腸搯腎。冥搜曠求。萃畢生之心思才力。與之顛倒而出入之。詩古文其末也。詞又其末也。詞學自李唐以迄昭代。前賢已有成說。不必爲作者牽合比擬。添贅一辭。迺其生平得力之處。追蹤秦柳。胎息賀史。取法于夢窗草窗白雲白石之間。沈幽固闕。揮灑流落。體製不名一長。能兼衆美。當夫模象形影。鍾鍊聲色。神明而變化之。收攝豪橫。覃精擢思。極毫釐分剗之辨。泊乎弄墨。則驕然砉然。揮毫落紙。若墜若偃。若猛獅搏毬。若烈風送雨。而妃句儷辭。一造于工穩。近人洵無與敵者。於虛可以傳矣。野橋爲人疏曠。每爲時輩所擠。家貧落魄。輒思橐筆作四方之遊。因循未果。壬辰秋。余識君于吳山旅舍。逾年始訂交。自唯相契之深而知之者素也。因慨爲之序。道光十三年癸巳花朝後三日。平湖宗弟姚儒俠柳仙甫書於武林碧琅玕館。

自序

詞小道也。然均不騷雅則俚。旨不微婉則直。過鍊者氣傷于辭。過疏者神浮于意。而叫囂積習。淫曼爲工者。尤弗取。余幼輒耽此。蒐宋元來諸家名集。沈浸討索。效之似錙之益深。迨弱冠後。日與世涉。哀樂漸多。兼以友朋宴遊。飢寒驅逐。每有感觸。卽寄之數年以往。共得千闕餘。并少作。刪存六一。釐爲五卷。各以類從。此中甘苦。余頗自信。其有合于古人之旨否。余未敢自斷也。成連安在乎。吾抱琴以俟之。道光十三年癸巳五月端四日。姚燮自記於怡道山莊。

疏影樓詞

句東姚 燮梅伯

畫邊琴趣

酒泉子

酒亂燈橫。送夢到無人境。月低低。花碎碎。霧冥冥。
粉牆閒。買秋千索。苔照簾衣綠。總迷離。風一線。遠香生。

又

薄揜春綃。庭露夜深涼到。海棠陰。明月上。坐吹簫。
篆雲如夢。屏山碧。門掩沈沈夕。髻偏垂。燈半炷。酒微消。

江城子

繡牕六曲夕陽殘。夢漫漫。淚潸潸。桃葉東風。吹綠滿闌干。
莫怨春紅遲二月。便開了。有誰看。

玉連環影

人瘦。媚眼明波溜。淺淺簾櫳橫。鬪深深柳。一絲絲。一枝枝。撩得翠長、青短兩邊思。

釣船笛

沈火裊金猊。細與夢雲吞吐。待到楝花開了。又風風雨雨。玉階春色已無多。嬌燕恁迴舞。認得雙雙人影。在簾間笑語。

菩薩蠻

十三絃子銀箏脆。十三管子銀簧媚。樓影翦涼波。綠雲天際多。纖鸞搖翠羽。人倚風燈語。冷碧唾蘭紗。煙絲斜冪花。

落花時

疏燈隱隱柳絲搖。樓近人遙。春愁着意知深淺。恐難掩、兩眉梢。東風江上茫茫路。吹雨添潮。便□流得殘紅去。莫流向、謝娘橋。

念奴嬌 鳳仙花

蜀綃霞膩。比釵頭、綰綵碧廚人翦。憐恁女兒生性急。耐得年年涼怨。媚尾黃深。梳翎翠小。么嘴攢紅卷。曲中聲苦。淚痕銀甲彈滿。要似瘦孕蟬珠。隔闌唾影。圓惹煙絲串。香夢乍迴宮月白。十二臨春天遠。弄玉釵鬢。冷金胡蝶。畫樣翻秋扇。井梧花落。夕風一色吹亂。

瑣窗寒 牽牛花

淺暈鞦紅。圓窪淺碧。蔓絲斜絡。攢香乍吐。恁受斷煙涼着。敢黃姑、紅牆怨深。露華點淚羅衣薄。怕粉闌燈地。施心易卷。瘦無多擲。籬腳。秋風弱。照水影娟娟。玉河一角。縑車響月。嬾婦含愁相約。更蕭娘、斜簪翠鬢。綠么顫鳳。隔珠箔。逗相思。七夕鉞期。唱到夜飛鵲。

柳梢青 橫江雨過涼氣滿樓獨坐調箏黯然愁起

千里蘭皋。微波欲化。夢跡都消。殘照銜雲。斷虹吹雨。天碧秋高。美人何處。今宵腸斷也。瓊卮玉簫。水月如煙。紅簾四卷。桐影涼搖。

花蜨犯。偶檢舊贈媚波樓南部十字合風蜨賣花二令倚成此解。
蛺蜨紅麝枕。鴛鴦碧鈿車。銅鑲十二綠週遮。只種酸心棋子樹。不種枇杷。南部三
姝媚。東風百合花。那時聽夢倚琵琶。聽到一聲腸不斷。清泪彈些。

貂裘換酒 登掛霧山絕頂

青柱天門笏。俯羣巒。亭亭玉朗。偃霞迴蜺。手攝夫容。凌石屋。人似盤霄健鶻。浩唱與、
樵風相答。北去海天浮不盡。指燕關。齊嶽搖芒末。潮紫翠。盪煙色。十千塵事歸碁
劫。上有棋檠石。儘無聊。敲泉煮茗。鼎花沸雪。一水簾低不捲。澹碧一層松樾。約夢
裏。來尋僊跡。月麗雲嬌蓮掌拓。錦珊瑚。飛上羅浮蝶。河漢影。繞衣活。

憶舊游 題葉午生海菴軒詞

甚野雲石帶。殘月屯田。格韻能超。青鬢章郎瘦。倚畫簾雙髻。閒譜瓊簫。慢歌小桃紅
曲。花夢女兒嬌。午生。雪言夢鳳仙花而生。故云。羨點點深深。三生早種。慧果情苗。
生綃。倩誰寫。似脆管初簧。宛轉工調。我亦能愁語。但衾燈秋雨。帆笛春潮。況堪酒醒。

人去楊柳泰娘橋。怨燕子倉庚。用卷中怨東風詞語。吟君舊句。魂欲消。

虞美人 豔體

櫻桃花夢揉纖白。粉閣挑笙夕。屏山翦月海綃籠。燭氣絲絲。裊上鬢煙鬆。兩痕愁影眉峯鎖。小睡紅麤妥。起彈蓮火覓蟬鈿。吹到鏡波。如雪冷生肩。

又

晶天夕雪飄蘭素。簾押雙珊互。梅陰瘦翠喚涼魂。夜半愁迴。香月上斜門。衾鸞彈滿。玳妃淚。夢尾癡雲碎。肉紅新翦鬢邊貂。醉倚琅玕。七孔漏春嬌。

醉花陰

曉窄晶鉤雙鳳碧。露氣飄春溼。翠影澹桃花。隔住愁魂。不放些紅入。爵金裙帶文珠鳥。戀影深深立。風小動鈴枝。墮蜨無聲。黏上湘煙燭。水榭三層迴了鳥。鬆翠明蟾抱。扇影麗金波。兜住桐華。鳳子憐雙小。鬲闌天碧羅雲掃。星與螢流到。一樣薄羅衣。昨夜涼遲。今夜涼偏早。

疏影樓詞

六

卜算子 和范石湖韻

簾背畫屏開。屏背孤鸞醒。簾北屏南深淺涼。月影和燈影。
吹到轆轤聲。人倚夫容井。桐葉遮肩露不霏。也怯羅衣冷。

醉太平 和辛稼軒韻

意凝媚遠。醉深酒淺。一闌風弄溼煙軟。落花和袖卷。
依依梁燕初啼暖。還黯黯、燕塵滿。落日楊枝總嬌嬾。玉笙樓上晚。

西地錦

夜轉銀河月午。盪涼雲娟楚。梧陰滿地。翠闌深曲。有人低語。
幾點殘星案戶。指東三西五。無端又過黃昏也。喚登樓眠去。

浣溪紗

疊帳涼雲燼鳳篝。夫容花鬪去來愁。冷香如夢盪簾鉤。
欲種長春天不雨。誰歌子夜月當樓。銀河風露浩然秋。

虞美人 虞美人草

明妃蕪草湘妃竹。一樣春時綠。褒斜山色半煙靄。臘有江東獵騎。踏青來。金戈玉帳俱黃土。猶解婆娑舞。莫將哀怨化紅心。卅六未央宮殿。月輪沈。

鵲橋仙 天竹子

葡萄樣子。櫻桃顏色。珠網牆陰籠住。綠翎瘦雀乍飛來。又帶雪、一紅銜去。松枝共互。梅花共吐。時節天寒日暮。分明翠袖倚闌珊。恰添上、淚痕多許。

柳梢青

斷袖零歌。嗚嗚咽咽。淚滿衫羅。莫說來時。不知別後。愁到如何。一帆落日長河。天遠處。春山夕波。不分留伊。便留伊住。住也無多。

清平樂

露霏薜冷。獨立看吟鬢。庭氣如波春月凝。只欠舊時花影。夢魂不度江湖。江南燕子迢迢。聽到漏聲五轉。醒來又是明朝。

沁園春 青

路隔冥冥。好眼曾垂。低眉暗疑。感韓憑衫影。舊陵夜蝶。明妃鬢樣。新家秋蘼。溪上無郎。樓頭有夢。劫悔泥蓮墮後非。拈湘管。看馮娘題曲。也爲情癡。蛺蝶錢買斷相思。兀嬌杏。纖梅味自知。記孤燈挑淚。十三年少。雙鞋踏恨。二月春期。照水能清。依人慣倩。小鳳翩翩總遜伊。江峯遠。惱雲邊仙鳥。屢誤傳詞。

又 紅

醋醋心情。燕足東西。鵲啼莫朝。甚畫橋廿四。春燈勾藥。綵樓十二。夜夢櫻桃。熨袖潮生。泥顏玉軟。酣到難扶瘦易消。殘挑麝。憶虬髯倚拂。石帚吹簫。軟塵十丈還飄。薦滿地。東風舊怨撩。況臨溪題葉。迴腸淚沁。隔屏拈豆。煞尾絃么。呼婢名雙。投瓊除四。夜夜能嬌。月月嬌。教伊豔。說狀元賜酒。宰相加袍。

又 白

洞室生虛。塵辟犀簾。雲明畫梁。愛字飛欲活。練裙寫到。酒浮疑墮。紵曲歌將。真恁清

貞未容點污本色。寧誇粉飾強。飛瓊邈。憶銀河鸞背。霓袖明璫。夙根淨到西方。慢
纖綺。蓮臺祝瓣香。更星高天謫。呼名樓上。月涼人泣。問姓潯陽。私語難瞞。宿冤都解。
玉是肌膚雪是腸。心盟水。願並頭雙老。如此鴛鴦。

齊天樂

同王乃蓀梁閣湯茗生鉞暨駭谷宿鄭耐生喬遷大椿堂

月墜霜陌無車馬。幽閒兩三茆屋。水鶴浮青。山龍迴赭。揜冉故家喬木。風流自足。想
傍緯分籌。理籤課讀。遊倦東歸。時耐生客山左初還。夢魂清傍芰闌曲。莫須子真
隱宅。訝叩門吠犬。客到誰速。擁被聽詩。掀髯命酒。剪盡幾條樺燭。譚迴塵綠。笑文字
人間。畫鳬刻鵠。明更登樓。飽看千蠹軸。次日登二老閣觀藏書

又

鶯湖訪孫幼連家穀

高廬背柳臨湖水。湖風暗搖吟幌。茶籟鳴笙。琴香泛月。別結蘭騷幽賞。半生屐兩。話
馬峪春雲。雁門秋瘴。嘯傲歸田。瘦稜稜骨總無恙。還思眼前知己。有鴉寒鶴素遙
答清吭。謂駭谷心水。柳舫晴移。篴燈涼翳。往事空增悵恨。褰簾凝望。見三五煙舫打

魚叢蔣宿雨含曛夕山橫翠爽。

又 八月七日夜集月湖攬碧莊鳳爐爇檀羊燈圍蠟深紅倚坐淺翠上衣愁

樂交并笑言相錯不知東方之既白也集者陳漁珊僅王秋植元孫東菁

樺孫幼連四大令張鐵峯孝廉恕陳餘仙福熙王乃蓀鄭耐生三明經戴琴

生炳垣余花禪梅尹少橋嘉年阮小巖訓諸文學暨白華厲駭谷赤堇葉心

水兩山人及錢塘王寶卿吳門謝繡鸞繡芸三錄事并余十八人醉後倚夢、

窗與江湖諸友汎湖詞均付鶯兒歌之

畫堂遙夜圍瓊席漏壺銀箭催換露竹鏗涼花雲噴暖不管庭階蛩怨風迴衫卷恰
燭灺春眸酒心盼見箏語調殘醉依羅袖乞題扇西園無此雅俊璧箋鬪巧均珠
玉盈卷宦逐江南飢驅塞北明日依然鴻燕湖波一翦認斷柳殘蘂秋容多變月落
人歸聽漁歌遠遠

乳燕飛 蘇浮碧山館作也芳草畫樓小桃冶巷人遠無夢春來寡歡余亦有